

Канон святителю Алексию, Митрополиту Московскому

Память празднуем 12 (25) февраля

Тропарь, глас 8-й

Яко апостолом сопредстольна, и врача предобра, и служителя благоприятна, к раце твоёй честней притекающе, святителю Алексие, Богомудре чудотворче, сошедшеся любовью память твою светло празднуем, в песнях и пениях радуящиеся и Христа славяще, таковую благодать тебе даровавшего исцелений и граду твоему великое утверждение.

Ин тропарь глас 4-й

Апостольских догмат опасна хранителя, Церкви Российской пастыря и учителя, преблаженного Алексия святителя память празднующе, славословим Христа Бога нашего песнями достождными, даровавшего нам угодника Своего, яко обильный источник, точащ врачевания, граду же Москве похвалу и утверждение.

Ин тропарь, глас 8-й

Яко светоносная возсия днесь память твоя, славне, верных озаряющи души и телеса, и исцеления струи Богоприятными ти молитвами источаеши, отче святителю Алексие, темже ты молим, яко архиереем сопредстольна и чудодейственника изрядна, иже Христову Престолу предстоиши, о нас не оскудевай моляся спастися душам нашим.

КАНОН, глас 8-й

Песнь 1

Ирмос: Колесницегонителя фараона погрузи, чудотвориши иногда Моисейский жезл, крестообразно поразив, и разделив море,

Израїля же беглеца́, пешехо́дца спасе́, песнь Бо́гови воспева́юща.

Припев: Святітелю́ о́тче наш Алексіе, моли́ Бо́га о нас.

Колесни́цею благода́ти Твоея́, Го́споди, возвы́си на́ша по́мыслы от до́льних на Го́рняя и сподо́би восхваліти уго́дника Твоего́, святітеля Алексі́я, песнь Тебе́, Богу, воспева́юща.

Святітелю́ о́тче наш Алексіе, моли́ Бо́га о нас.

Колесни́цею ходата́йств твои́х ум наш, отягче́нный житейскими печа́льми, возвы́си от земных к Небе́сным и наста́ви восхваліти тя досто́йно, о́тче Алексіе, песнь побѣдную Бо́гу воспева́юща.

Святітелю́ о́тче наш Алексіе, моли́ Бо́га о нас.

Колесни́цу го́рдости міра сего́ превозше́л еси́ смире́нием, и взем крест твой, последовал еси́ Христу́ добро́тами, и, во приста́нище Го́рняго Селѣ́ния дости́г, песнь Бо́гу побѣдную воспева́еши.

Слава: Колесни́цею добродѣ́телей, я́ко Илія́ о́гненною, возше́л еси́ на Не́бо, отону́дуже моли́ Бо́га низпосла́ти я́ко ми́лоть благода́ть Ду́ха, уча́щую ны песнь побѣдную Бо́гу воспева́ти.

И ныне: Колесни́ца огнеобра́зная, носив́шая Бо́га Сло́ва, во чре́ве Твоём воплоще́ннаго, моли́ Его́ приле́жно спасті́ся рабо́м Твои́м, к Тебе́ притека́ющим и побѣдную песнь Бо́гу воспева́ющим.

Песнь 3

Ирмос: Небе́снаго кру́га Верхотво́рче Го́споди, и Це́ркве Зижді́телю, Ты мене́ утверди́ в любви́ Твое́й, желáний кра́ю, ве́рных утвержде́ние, Еди́не Человеколю́бче.

Святітелю́ о́тче наш Алексіе, моли́ Бо́га о нас.

Небе́снаго кру́га и всея́ тва́ри Госпо́дь, предвѣ́дый тя, о́тче Алексіе, бу́дуца па́стыря до́бра, ввѣри тебе́ па́ству словѣ́сную, я́ко Еди́н Человеколю́бец.

Святітелю́ о́тче наш Алексіе, моли́ Бо́га о нас.

Небе́снаго кру́га возлюбив́ Творца́, постом́ обле́гчен, страсте́й мо́ре прешѣ́л еси́ и, на безстра́стия верх добродѣ́тельми возше́д,

Бóга узрёл есі, Едінаго Человеколюбца.

Слава: Небёснаго кру́га на высотú возше́д Богоразу́мием, уви́дел есі у́мно та́мо неизрече́нная и прия́л есі дар чудотворе́ния от Бóга Человеколю́бца.

И ныне: Небёснаго кру́га Верхотво́рца, хотя́ща роді́тися из Тебе́, Пречи́стая, возвести́ Тебе́ Гаври́л: ра́дуйся, Де́во, Госпо́дь с Тобо́ю, Еді́н Человеколю́бец.

Го́споди, поми́луй (трижды).

Седален, глас 4-й

Благово́нную слова́ Бóжияго па́житию словесную́ па́ству Христо́ву Богоу́годно воспитáнную, па́стырским Богодухо́вным исправле́ния жезло́м на пра́вую спасе́ния стезю́ путево́дствив я́ко до́брый па́стырь, удосто́ился есі нетле́нну вечно́я жи́зни мзду восприя́ти в Го́рнем Сио́не от Пастыре́начальника Христа́ Бóга. Егóже моли́, досточу́дне Алексі́е, нам, твои́м овца́м словесным, сохра́нитися от невиди́мых волко́в хи́щных.

Слава, и ныне: Повеле́нное та́йно прие́м в разу́ме, в кро́ве Ио́сифове тща́нием предста́ безплóтный, глаго́ля Неискусобра́чней: Приклони́вый схожде́нием Небеса́ вмеща́ется неизме́нно весь в Тя, Егóже и ви́дя в ложесна́х Твои́х, прие́мша ра́бий зрак, ужа́саюся зва́ти Тебе́: ра́дуйся, Невесто́ Неве́стная.

Песнь 4

Ирмос: Ты моя́ кре́пость, Го́споди, Ты моя́ и си́ла, Ты мой Бог, Ты моё́ ра́дование, не оста́вь не́дра Отча́ и на́шу нищету́ посети́в. Тем с проро́ком Авваку́мом зову́ Ти: си́ле Твоё́й сла́ва, Человеколю́бче.

Святі́телю о́тче наш Алексі́е, моли́ Бóга о нас.

Ты моя́ кре́пость, Го́споди, Ты моя́ и си́ла, — вопи́я, о́тче Алексі́е, прия́л есі дар телесны́я недúги цели́ти и лука́выя дúхи отгоня́ти от зову́щих Христу́: си́ле Твоё́й сла́ва, Человеколю́бче.

Святі́телю о́тче наш Алексі́е, моли́ Бóга о нас.

Ты есі́ свети́ло Росси́йския земли́ и граду́ Москве́ стена́

нерушима, на враги же победитель, и христоименитым людем во бранех пособник, зовущим Христу: силе Твоей слава, Человеколюбче.

Слава: Ты Богословил еси Единицу несозданную, в Трех Лицах сущую, несливаему же и нераздельну, воумляя паству твою, отче Алексие, непрестанно звати: силе Твоей Слава, Человеколюбче.

И ныне: Ты моя крепость еси воистинну и спасение, Богородице, и на Тя надежду мою возложих, спаси мя, Дево Чистая, и укрепи рождшемуся из Тебе звати: силе Твоей слава, Человеколюбче.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго, но обрати мя и к свету заповедей Твоих пути моя направи, молюся.

Святителю отче наш Алексие, моли Бога о нас.

Вскую противнии ополчаются на ны, имущия тя крепка поборника? Ты, отче Алексие, дерзость их низложи и воинство наше молитвою твоею страшно им покажи.

Святителю отче наш Алексие, моли Бога о нас.

Вскую унываем, согнетаемии множеством печалей, имуще скорбных утешителя — святителя Алексия, избавляюща ны от бед и скорбей наших и от враг видимых же и невидимых?

Слава: Вскую, отче Алексие, телесныя немощи находят на ны, и беды окружают ны, врача ты имущия в болезнях и утешителя в скорбех? изми убо ны от сих молитвами твоими.

И ныне: Вскую обуревают мя волны страстей, кормчия Христа рождающая, Дево Всенепорочная? Ты Его моли сих исхитити мя и к стези заповедей Его пути моя управити, молюся.

Песнь 6

Ирмос: Очисти мя, Спасе, многа бо беззакония моя и из глубины зол возведи, молюся, к Тебе бо возопих, и услыши мя, Боже спасения моего.

Святителю отче наш Алексие, моли Бога о нас.

Очи́сти ны, Спа́се, от мно́гих грехо́в на́ших и боле́зни отжени́ моли́твами святите́ля Твоего́ Алекси́я, и мир Це́рквам Твои́м пода́ждь и соедине́ние.

Святите́лю о́тче наш Алекси́е, моли́ Бо́га о нас.

Очи́сти сердца́ на́ша и мы́сли ходата́йствы твои́ми, о́тче, и, при́йм от нас прино́симыя тебе́ моли́твы, испроси́ у Христа́ обрести́ нам ве́лию ми́лость.

Слава: Очи́стив се́рдце твоё, о́тче Алекси́е, и трость язы́ка твоего́ изостри́в Ду́хом, написа́л еси́ в сердца́х ве́рных сло́во Богоразу́мия уче́ньми твои́ми.

И ныне: Очи́щенну Тя Ду́хом, Всенепоро́чная, Арха́нгел Гаври́ил позна́в, зова́ше Тебе́: ра́дуйся, Де́во Мари́е, па́дших воззва́ние и кля́твы разреше́ние.

Го́споди, поми́луй (трижды). Слава, и ныне:

Кондак, глас 8-й

Боже́ственного и пречестна́го святите́ля Христо́ва, но́ваго чудотво́рца Алекси́я, ве́рно вси пою́ще, лю́дие, любóвию да ублажи́м, я́ко па́стыря вели́каго, служи́теля же и учи́теля премудра земли́ Росси́йстей. Днесь, в па́мь его́ прите́кше, ра́достно возопи́ем песнь Богоно́сному: я́ко имéя дерзнове́ние к Бо́гу, многообра́зных нас изба́ви обстоя́ний, да зове́м ти: ра́дуйся, утвержде́ние гра́ду на́шему.

Икос

Ди́внаго и пречестна́го чудотво́рца ви́дяще чудеса́, исцелéния подава́юща всем, от души́ с ве́рою притека́ющим, и Христо́вы лю́ди невидимо посеща́юща, и зéмлю Росси́йскую просвеща́юща, ра́достно от души́ вси, вку́пе соше́дшеся к ра́це моще́й его́, слы́шаще же и ви́дяще чудес мно́жество и исто́чник исцелéний неисчерпа́емь, чи́стыми се́рдцы и просвещéнными ра́зумы, я́ко благоуха́нно кади́ло, плоды́ добродéтельны от души́ принося́ще и раду́ющеся, воззовéм ему́, глаго́люще: ра́дуйся, о́тче, честный наш учи́телю, я́ко прия́л еси́ трудо́в твои́х воздая́ние и в Вы́шних водворя́ешися, о нас моля́ Человеколю́бца Бо́га. Чудес дар прия́л еси́, земли́ Росси́йстей

отец и учитель, и святителем изрядная похвала, и воинству нашему во бранех пособник крепок. Радуйся, святителю Алексие, граду нашему утверждение.

Песнь 7

Ирмос: От Иудеи дошедше, отроцы в Вавилоне иногда верою Троицкою пламень пещный попраша, поюще: отцев Боже, благословен еси.

Святителю отче наш Алексие, моли Бога о нас.

От Иудеи отроком поревновав, огнепальныя страсти угасил еси, Христу присно поя, блаженне Алексие: отцев Боже, благословен еси.

Святителю отче наш Алексие, моли Бога о нас.

От Иудеи отроки подражал еси, живущею бо в тебе Духа благодатию просвещься, воспел еси Христу: отцев Боже, благословен еси.

Слава: От Иудеи отроком ревнуем, видяще мочи твоя чудоточащая, любовью распаляеми, Христу зовем: отцев Боже, благословен еси.

И ныне: От Иудеи отроцы Твое прообразиша Рождество, Дево Всечистая, огонь бо в пещи не опали их, поющих: отцев Боже, благословен еси.

Песнь 8

Ирмос: Царя Небеснаго, Егже поют вси Ангельстии, хвалите и превозносите во вся веки.

Святителю отче наш Алексие, моли Бога о нас.

Царя Небеснаго хвалити учил еси паству твою, зовый: пойте и превозносите Христа во веки.

Святителю отче наш Алексие, моли Бога о нас.

Царя Небеснаго умоли о нас, чадах твоих, радостно поющих и превозносящих Ег во веки.

Слава: Царю Небесному предстоя, паству твою назирай, поющую и превозносящую Христа во веки

И ныне: Царя Небеснаго родила еси, Дево, Егже Ангели поют и превозносят во вся веки.

Песнь 9

Ирмос: Вои́стинну Богоро́дицу, Тя испове́дуем, спасе́ннии Тобо́ю, Де́во Чи́стая, с Безплóтными ли́ки Тя велича́юще.

Святíteлю óтче наш Алексíе, моли́ Бо́га о нас.

Вои́стинну свет ми́ру яви́лся еси́, светя́щ; добродéтельми, и па́стырь изря́ден твоего́ ста́да был еси́, Христа́ велича́юща.

Святíteлю óтче наш Алексíе, моли́ Бо́га о нас.

Вои́стинну véмы тя, óтче, чудотво́рца вели́ка, точа́ща мно́га чудеса́ véрно к тебе́ приходя́щим и Христа́ велича́ющим.

Слава: Вои́стинну свéтло па́мь прáзднуют святíteля Алексíя архиере́и, и священни́цы, мона́си, и вси лю́дие, Христа́ Бо́га велича́юще.

И ныне: Вои́стинну Ты еси́ христиа́ном спасе́ние: Христа́ бо родила́ еси́, спаса́ющаго ны, Де́ву Чи́сту Тя велича́ющия.